



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Imago saeculi XVII. ad annum huius saeculi X. producta**

**Neuhusii Paderbornae, 1710**

Annus 1655.

**urn:nbn:de:hbz:466:1-29436**

imperialium millibus. Libera imperii mole Christina mox ex Suecia solvit Hamburgū, inde contendit in Belgium Bruxellas. Hic in præsentia Leopoldi Archiducis & Piemontelii Regis Catholici legati in Suecia nocte ipsa præcedentem Natalem Domini privatim Lutherum ejurat, professa fidem Romano-Orthodoxam, quam edocta fuerat à P. Guimesio Dominicano, qui dissimulato habitu illi in Suecia fuerat ab epistolis & secretis.

Alexius Michalovizius Dux Moschorū Smolenskum expugnat. Victor urbem ingressus iconem quandam B. V. eò quondam ex Roxolania delatam magna veneratione coluit, eiq; uni rem benè gestam adscripsit.

Rex Ludovicus Atrebatum, pulsus Hispanis obsidione liberat.

Carolus Dux Lotharingæ in Belgio Hispanis suspectus ob clandestinam cum Mazarino, amicitiam captivus abducitur Bruxellas, inde relegatus in Hispaniam.

*ANNUS 1655.*

**S**ub anni hujus initium finem vivendi fecit Innocentius X. confectus ex febricula ad hydropem accedente.

Ejus locum occupavit 6 Aprilis Cardinalis

lis

lis Fabius Chisius, Senensis, electus tantâ  
conspiratione suffragiorum, quantâ nullus  
per annos 300. Pontifex alius, dicitur vo-  
luit Alexander VII. Adorandus de more,  
sedem in medio altari collocatam retraxit  
ipse ad cornu Evangelii, negavitque se eo  
fessurum loco, ubi corpus Christi conficere-  
tur. Tum sibi Sarcophagum parari iussit, ut  
mortis cogitatio semper illi ob oculos ver-  
saretur. Affines & Nepotes suos pauperes  
dixit, quibus ut Christo, ita sibi propin-  
quiores nullos esse asseruit.

Christina Regina Sueciæ venit ex Belgio  
Oenipontum, ubi in præsentia fratrum Ar-  
chiducum Ferdinandi & Sigismundi & Lu-  
cæ Holsteini Protonotarii Apostolici, alio-  
rumque ex formula Concilii Tridentini  
publicè fidem Catholicam est professæ, NO-  
vembr. movit inde Lauretum ad sacram æ-  
bicularum Verbi Divini incarnatione conse-  
cratam; cui cum propiùs accessisset, reli-  
quum itineris, quamvis luculenti, pedes  
confecit, obtulitque Reginae Cœli coronam  
& sceptrum gemmis pretiosissimis referta.  
19 Decembris urbem ingressa apparatu so-  
lemnissimo à Pontifice & toto purpurato-  
rum Senatu est excepta. Die Natali Domi-  
ni a

ni à Pontifice sacro confirmationis oleo delibuta, ejus quoque nomen suscepit, ut eum haberet patrem in Christo, qui esset pater orbis terrarum.

Leopoldo Ignatio Imperatoris secundo-genito juratur à statibus Austriæ & à Proceribus Hungariæ imponitur mensò Julio Pofonii Regium diadema.

Rex Galliæ edito decreto excludit ab officiis aulae suæ, sui que fratris omnes Hugonottas.

Bulla Pontificia contra Jansenistas acceptatur Parisiis ab Ecclesiasticis.

Turcæ vincuntur à Venetis ad Sestum & Abydum.

Poloni hoc anno, præter proditores domesticos à tribus sævissimis hostibus externis impetiti, Suecis, Moschis & Cosakis pene ad incitas & ultimum excidium sunt raddacti. A Sueco capta Varfavia, Thorunum, Cracovia, aliæque urbes plurimæ. A Moschis Lithuania cum Vilna Ducatûs metropoli incendiis & rapinis devastata.

Hoc anno 30 Decembr. nuncium remisit Lutheranismò, fidemque Orthodoxam unà cum conjuge, stirpe Rheingraviâ professus coram Archiepiscopo & Electore Mogun-

Mogun-

Moguntino Joanne Philippo, Christianus Augustus Comes Palatinus Rheni, & Princeps Sulzbacensis.

*ANNUS 1656.*

**P**Ragæ inauguratus est solenni ritu & splendidissima pompa Rex Bohemorum Leopoldus Rex Hungariæ.

Romæ & Neapoli pestis peracerba sævit, cui cum remedium terra non inveniret, cœlum attulit. Neapolis agnoscit & veneratur suum servatorem Franciscum Xaverium Indiarum Apostolorum.

Poloni hoc anno, novis licet cladibus affecti, instauratis tamen animis & viribus eâ vi & fortitudine in Suecos irruerunt, ut eos semel, iterum ac tertio profligârint, & cum Varavia omnem prædam Poloniae extortâ receperint; Moschis insuper & Cofakis ad æquas pacis conditiones adactis, recuperârunt Lithuaniam, Podelasiam, & Russiam rubram.

Iterum binis vicibus victa & profligata est classis Turcica à Venetis. Duplicis victoriæ præmium fuit capta Tenedos.

Pace firmata inter Anglos & Gallos, bellum erumpit inter Anglos & Hispanos. Unde Carolus Rex Britanniaë desertâ Francia secedit Bruxellas.

Pari-